

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

ZAKLJUČAK
o odbacivanju

Prijave koncentracije fizičkih lica Branislava Vujovića, Republika Austrija i Dejana Popovića, Republika Austrija koja se odnosi na sprovođenje transakcije kojom će doći do promjene vlasničke strukture privrednog subjekta New Frontier Investment AG, Republika Austrija

Sarajevo
april, 2016. godine



Broj: 02-26-1-40-19-II/15
Sarajevo, 19.04.2016. godine

Na osnovu člana 25. stav (1) tačka e), člana 42. stav (2), a u vezi s članom 12. i 14. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po Prijavi koncentracije fizičkih lica Branislava Vujovića, (..)**¹ Beč, Republika Austrija i Dejana Popovića, (..)**¹, 1060 Beč, Republika Austrija podnesena putem advokatskog društva Arslanagić Elmir & CO, Zmaja od Bosne 74, 71 000 Sarajevo, zaprimljenoj dana 18.11.2015. godine pod brojem 02-26-1-40-II/15 Konkurencijsko vijeće Bosne i Hercegovine, na 128. (stotinudvadesetosmoj) sjednici održanoj dana 19.04.2016. godine, je donijelo

Z A K L J U Č A K

1. Odbacuje se Prijava koncentracije fizičkih lica Branislava Vujovića, (..)** Beč, Republika Austrija i Dejana Popovića, (..)** Beč, Republika Austrija, radi neispunjavanja uslova za Prijavu koncentracije, u smislu člana 14. stav (1) Zakona o konkurenciji.
2. Ovaj Zaključak je konačan i bit će objavljen u „Službenom glasniku BiH“, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće je dana 18.11.2015. godine pod brojem 02-26-1-40-II/15 zaprimilo Prijavu koncentracije podnesenu putem advokatskog društva Arslanagić Elmir & CO, Zmaja od Bosne 74, 71 000 Sarajevo, punomoćnika fizičkih lica Branislava Vujovića, (..)** Beč, Republika Austrija i Dejana Popovića, (..)** Beč, Republika Austrija koja se odnosi na sprovođenje transakcije kojom će doći do promjene vlasničke strukture privrednog subjekta New Frontier Investment Pottendorfer Strase 23-25/4/3/2, 1120 Beč, Republika Austrija.

Konkurencijsko vijeće je zatražilo dopunu Prijave aktom broj: 02-26-1-40-2-II/15 dana 30.11.2015. godine, na što je Podnosilac prijave tražio produženje roka za dostavljanja istog podneskom broj: 02-26-1-40-3-II/15 od dana 10.12.2015. godine, te imajući u vidu razloge koje je naveo Podnosilac zahtjeva kao obrazloženje za produženje roka, Konkurencijsko vijeće je ocijenilo opravdanim i odobrilo produženje roka, aktom broj: 02-26-1-40-4-II/15 od 14.12.2015. godine, podneskom broj: 02-26-1-40-8-II/15 od 25.01.2016. godine (na osnovu zahtjeva broj: 02-26-1-40-7-II/15 od 22.01.2016. godine) i podneskom broj: 02-26-1-40-10-II/15 od 15.02.2016. godine (na osnovu zahtjeva broj: 02-26-1-40-9-II/15 od 10.02.2016. godine) .

¹ (..)** podaci predstavljaju poslovnu tajnu

Podnosilac prijave je predmetnu Prijavu dopunio podneskom broj: 02-26-1-40-5-II/15 od 30.12.2015. godine, podneskom broj: 02-26-1-40-7-II/15 od 22.01.2016. godine, podneskom broj: 02-26-1-40-11-II/15 od 26.02.2016. godine i podneskom broj: 02-26-1-40-13-II/15 od 21.03.2016. godine .

Predmetna Prijava dopunjena je podneskom broj: 02-26-1-40-16-II/15 od 14.04.2016. godine, a na osnovu zahtjeva Konkurencijskog vijeća broj: 02-26-1-40-14-II/15 od 30.03.2016.godine.

Nakon kompletiranja Prijave Konkurencijsko vijeće je izdalo Potvrdu o kompletnoj i urednoj Prijavi, u smislu člana 30. stav (3) Zakona o konkurenciji («Službeni glasnik BiH», br. 48/05, 76/07 i 80/09) (u daljem tekstu: Zakon),, dana 18. aprila 2016. godine aktom broj: 02-26-1-40-17-II/15.

Prijava je podnesena u propisanom roku u smislu člana 16. stav (1) Zakona te uvidom u dostavljenu dokumentaciju utvrđeno je, da je uplaćena administrativna taksa.

Pored Bosne i Hercegovine, podnesen je Zahtjev za mišljenje o postojanju obaveze prijave koncentracije nadležnom tijelu za zaštitu konkurencije u Republici Srbiji koje je donijelo Mišljenje broj: 6/0-06-732/2015-4 od 20.10.2015. godine o nepostojanju obaveze podnošenja Prijave koncentracije, kao i Zahtjev za mišljenje o postojanju obaveze prijave koncentracije nadležnom tijelu za zaštitu konkurencije u Republici Makedoniji koja je donijela Mišljenje broj:03-242/3 od 26.11.2015. godine o nepostojanju obaveze podnošenja Prijave koncentracije.

1. Učesnici koncentracije

Učesnici predmetne koncentracije su privredni subjekt fizička lica Branislav Vujović, (..)** Beč, Republika Austrija i Dejan Popović, (..)** Beč, Republika Austrija i privredni subjekt New Frontier Investment AG, Pottendorfer Strase 23-25/4/3/2, 1120 Beč, Republika Austrija.

1.1. Fizička lica Branislav Vujović, (..) Beč, Republika Austrija i Dejan Popović, (..)** Beč, Republika Austrija**

Fizičko lice Branislav Vujović (..)** Beč, Republika Austrija, (JMBG (..)**) je direktor, član upravnog odbora i akcionar u privrednom subjektu New Frontier Investment AG (holding društvo koje upravlja sa drugim navedenim društvima u grupi povezanih lica), Pottendorfer Strase 23-25/4/3/2, 1120 Beč, Republika Austrija sa (..)** % akcija.

Fizičko lice Dejan Popović; (..)** Beč, Republika Austrija (broj pasoša (..)**) je direktor, član upravnog odbora i akcionar u privrednom subjektu New Frontier Investment AG, Pottendorfer Strase 23-25/4/3/2, 1120 Beč, Republika Austrija sa (..)** % akcija.

Fizička lica Branislav Vujović, (..)** Beč, Republika Austrija i Dejan Popović, (..)** Beč, Republika Austrija su direktori i na posredan način vlasnici privrednog subjekta "Ditras" preko privrednog subjekta New Frontier Holding-a GmbH Pottendorfer Strase 23-25/4/3/2, 1120 Beč, Republika Austrija čiji su osnivači i vlasnici.

1.1.1. Privredni subjekt "Ditras GmbH" Pottendorfer Strase 23-25/4/3/2, 1120 Beč, Republika Austrija

Privredni subjekt "Ditras GmbH" Pottendorfer Strase 23-25/4/3/2, 1120 Beč, Republika Austrija upisan je u registar Trgovačkog suda u Beču pod brojem FN 425676 i u vlasništvu je privrednog subjekta New Frontier Holding GmbH Pottendorfer Strase 23-25/4/3/2, 1120 Beč, Republika Austrija.

Privredni subjekt New Frontier Holding GmbH Pottendorfer Strase 23-25/4/3/2, 1120 Beč, Republika Austrija upisan je u registar Trgovačkog suda u Beču pod brojem FN 421874, sa (..)** % vlasničkih udjela fizičkog lica Branislava Vujovića i sa (..)** % udjela fizičkog lica Dejana Popovića. .

Pretežne poslovne djelatnosti ovog holding društva su upravljanje drugim društvima u grupi povezanih lica

Privredni subjekt Ditras nema povezanih društava u Bosni i Hercegovini.

1.2. Privredni subjekt New Frontier Investment AG, Pottendorfer Strase 23-25/4/3/2, 1120 Beč, Republika Austrija

Privredni subjekt New Frontier Investment AG, Pottendorfer Strase 23-25/4/3/2, 1120 Beč, Republika Austrija upisan je u registar Trgovačkog suda u Beču pod brojem FN 389543 i u vlasništvu je privrednog subjekta Platoniak Investments Ltd, Griva Digeni 115, Trident Centre, Limasol, Kipar sa (..)**% udjela, sa (..)**% udjela Dejana Popovića, sa (..)**% udjela Marijane Popović, sa (..)**% udjela Luke Popovića, sa udjela (..)**% Branislava Vujovića i sa (..)**% udjela Milene Vujović.

Privredni subjekt Platoniak Investments Ltd, Griva Digeni 115, Trident Centre, Limasol, R .Kipar je u većinskom vlasništvu od (..)**% privrednog subjekta TehnoServ B.V., Holandija, čiji su vlasnici fizička lica Aleksej Ananijev i Ljudmila Ananijeva sa po (..)**% udjela.

Navedeni privredni subjekt je holding društvo i kao takvo kroz vlasničku strukturu upravlja drugim društvima u grupi povezanih lica.

Privredni subjekt New Frontier Investment AG je u Bosni i Hercegovini prisutan preko portfolio kompanije koja ima zavisno društvo privredni subjekt "SAGA RS" d.o.o. Banja Luka.

1.2.1. Privredni subjekt "SAGA RS" d.o.o. Banja Luka

Privredni subjekt "SAGA RS" d.o.o. Banja Luka, Prvog krajiškog korpusa br. 22, Banja Luka, upisan je u sudski registar Okružnog privrednog suda u Banja Luci pod matičnim brojem 1-16641-00 s ukupnim osnivačkim kapitalom (..)** KM, sa (..)** % vlasničkih udjela u osnovnom kapitalu privrednog subjekta „SAGA“ d.o.o. Beograd.

Pretežne registrovane djelatnosti privrednog subjekta „SAGA RS" d.o.o. Banja Luka su pružanje najboljih rješenja klijentima u upravljanju njihovim IT okruženjem (poslovi iz oblasti telekomunikacija, business critical computing i data centri, klijentska rješenja, kontakt centri, multikanalni sistemi za pristup radi prezentovanja podataka i obavljanja sigurnih transakcija, poslovna rješenja i profesionalni servisi).

2. Pravni osnov i oblik koncentracije

Pravni osnov koncentracije je Ugovor o kupoprodaji dionica zaključen dana 02.11. 2015. godine koje čine (..)**% osnovnog kapitala privrednog subjekta New Frontier Investment AG potpisan između privrednog subjekta Platoniak Investments Ltd, Griva Digeni 115, Trident Centre, Limasol, Kipar i privrednog subjekta "Ditras GmbH", Pottendorfer Strase 23-25/4/3/2, 1120 Beč, Republika Austrija.

Nakon sprovedene transakcije dolazi do promjene međusobnog učešća odnosno vlasničke strukture u privrednom subjektu New Frontier Investment AG, i to fizička lica Branislav Vujović i Dejan Popović preko privrednog subjekta Ditrás ostvaruju posredno učešće u iznosu od (..)**% u vlasničkoj strukturi navedenog subjekta, dok su prije provedene transakcije ostvarivali učešće neposredno kao fizička lica u iznosu od (..)**% Branislav Vujović i u iznosu od (..)**% Dejan Popović.

Prema Podnosiocu prijave, navedenom transakcijom se vrši promjena vlasničke strukture društva New Frontier Investment AG, na način da je njegov većinski član (Platoniak Investments Ltd) dio svog vlasničkog udjela ((..)**%) prenio na osnovu Ugovora o kupoprodaji dionica drugim manjinskim članovima društva a isto neće dovesti do promjene u pogledu vršilaca kontrole nad ciljnim društvom, odnosno do promjene u načinu upravljanja društvom New Frontier Investment AG.

Nakon sprovedene transakcije fizičko lice Branislav Vujović će steći direktno/indirektno (..)**% učešća i fizičko lice Dejan Popović direktno/indirektno (..)**% učešća u privrednom subjektu New Frontier Investment AG.

Navedena transakcija neće dovesti ni do kakvih promjena u vlasničkoj strukturi SAGA d.o.o. Beograd pa samim tim ni u udjelima u vlasničkoj strukturi SAGA RS d.o.o. Banja Luka.

U skladu sa naprijed navedenim, a na osnovu člana 12. stav (1) tačka b) pod 1. Zakona, pravni oblik koncentracije je sticanje kontrole jednog privrednog (privredni subjekt Ditrás) nad drugim privrednim subjektom (privredni subjekt New Frontier Investment AG) kupovinom većinskog udjela osnovnog kapitala.

3. Pravni okvir ocjene koncentracije

Konkurencijsko vijeće u provođenju postupka ocjene predmetne koncentracija je primijenilo odredbe Zakona, Odluke o utvrđivanju relevantnog tržišta ("Službeni glasnik BiH", br. 18/06 i 34/10), te Odluke o načinu podnošenja prijave i kriterijima za ocjenu koncentracija privrednih subjekata.

4. Relevantno tržište predmetne koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne osobine, kvalitet, uobičajenu namjenu, način upotrebe, uslove prodaje i cijene.

Nadalje prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Podnosilac prijave je kao relevantno tržište naveo, tržište pružanja najboljih rješenja klijentima u upravljanju njihovim IT okruženjem, obzirom da je privredni subjekt New Frontier Investment AG kroz povezano društvo SAGA RS aktivno u Bosni i Hercegovini na tržištu pružanja najboljih rješenja klijentima u upravljanju njihovim IT okruženjem.

Na osnovu djelovanja privrednog subjekta New Frontier Investment AG kao relevantno tržište predmetne koncentracije u geografskom smislu je utvrđeno područje Bosne i Hercegovine.

Slijedom iznesenog relevantno tržište predmetne koncentracije je pružanje usluga najboljih rješenja klijentima u upravljanju njihovim IT okruženjem u Bosni i Hercegovini.

4.1. Analiza relevantnog tržišta

Prema podacima iz Prijave učesnici koncentracije i tržišni konkurenti na relevantnom tržištu (na osnovu ukupnih prihoda), u 2014. godini, imaju:

Tabela 1.

R.br.	Privredni subjekt	Tržišni udio (%)
1	LANACO d.o.o. B.Luka	(..)**
2	ALF-OM d.o.o. B.Luka	(..)**
3	INFOCOM d.o.o. B.Luka	(..)**
4	DIGIT d.o.o.	(..)**
5	ASW - INŽENJERING d.o.o. Bijeljina	(..)**
6	IBIS INŽENJERING	(..)**
7	NOKIA SOLUTIONS d.o.o B.Luka	(..)**
8	Blic net d.o.o. BI	(..)**
9	TELEGROUP d.o.o.	(..)**
10	SAGA RS d.o.o. B.Luka	(..)**
11	LOGOSOFT d.o.o. Sarajevo	(..)**
12	S&T BA d.o.o Sarajevo	(..)**
13	QSS d.o.o. Sarajevo	(..)**
14	CT RETAIL d.o.o. Sarajevo	(..)**
15	BS Telecom Solutions d.o.o. Sarajevo	(..)**
16	Ava Com Group d.o.o. Mostar	(..)**
17	Ping d.o.o. Sarajevo	(..)**
18	Mibo Komunikacije d.o.o. Sarajevo	(..)**
19	Recro-Net d.o.o. Sarajevo	(..)**
20	King ICT Sarajevo	(..)**
21	Comtrade Distribution d.o.o.Sarajevo	(..)**
22	SYS Company d.o.o. Sarajevo	(..)**
	Ukupno	100,00

Izvor: podaci iz Prijave; Informacije o tržišnim udjelima su date na osnovu podataka o ostvarenim prihodima iz finansijskih izvještaja APIF RS/AFIP F BiH

Analizom podataka (Tabela 1.), Konkurencijsko vijeće je utvrdilo da zajednički tržišni udio učesnika koncentracije na relevantnom tržištu nije veći od 40,0%.

5. Ocjena prijave koncentracije

Obaveza prijave koncentracije nastaje, u smislu odredbe člana 14. stav (1) Zakona, kada učesnici koncentracije prodajom roba i/ili usluga ostvare na svjetskom tržištu 100.000.000,00 KM po završnom računu u godini koja je prethodila koncentraciji, i kada ukupni godišnji prihodi svakog od najmanje dva privredna subjekta učesnika koncentracije ostvareni prodajom roba i/ili usluga na tržištu Bosne i Hercegovine iznose najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Prema podacima iz Prijave, ukupni godišnji prihodi privrednih subjekata učesnika koncentracije (i njihovih povezanih privrednih subjekata), na dan 31. decembar 2014. godine, kao godini koja prethodi koncentraciji, iznosi:

Tabela 2.

	New Frontier Investment AG	New Frontier Solutions*	SAGA d.o.o. Beograd**	SAGA RS d.o.o. B.L.***	DITRAS
	KM	KM	KM	KM	KM
Svijet	(..)**	(..)**	(..)**	(..)**	(..)**
BiH	(..)**	(..)**	(..)**	(..)**	(..)**

Izvor: Podaci iz Prijave

*privredni subjekt New Frontier Solution je većinski vlasnik SAGA d.o.o Beograd ((..)**%)

** prihod SAGA d.o.o. Beograd kao dio New Frontier Investment AG-a

*** SAGA RS B.L. je u (..)**% vlasništvu SAGA d.o.o. Beograd.

Privredni subjekt Ditras GmbH nije imao ostvarene prihode u 2014. godini ni u BiH ni na svjetskom nivou s obzirom da se radi o holding društvu koji ne obavlja djelatnost i ne ostvaruju direktne prihode već kroz vlasničku strukturu upravlja drugim navedenim društvima u grupi povezanih lica.

Godišnji prihodi učesnika koncentracije (Tabela 2.) predstavljaju ukupne prihode (bez poreza na dodatnu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijumima za ocjenu koncentracija privrednih subjekata.

Konkurencijsko vijeće je utvrdilo (Tabela 1.) da su učesnici predmetne koncentracije ispunili uslov ukupnog godišnjeg prihoda na svjetskom tržištu, u smislu člana 14. stav (1) tačka a) Zakona, ali nisu ispunili uslov ukupnog godišnjeg prihoda na tržištu Bosne i Hercegovine u smislu člana 14. stav (1) tačka b) Zakona.

Takođe, učesnici koncentracije nisu ispunili niti uslov tržišnog udjela jer njihov zajednički tržišni udio na relevantnom tržištu nije veći od 40,0% (Tabela 1.), u smislu člana 14. stav (1) tačka b) Zakona.

Budući da učesnici koncentracije nisu ispunili uslove iz člana 14. stav 1) Zakona ne podliježu obavezni prijave koncentracije.

Uzimajući u obzir izneseno Konkurencijsko vijeće je odlučilo kao u dispozitivu ovoga Zaključka.

6. Administrativna taksa

Podnosilac prijave na ovaj Zaključak, u skladu sa članom 2. tarifni broj 108. tačka 3) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u iznosu od 1.000,00 KM, u korist Budžeta institucija Bosne i Hercegovine.

7. Pouka o pravnom lijeku

Protiv ovog Zaključka nije dozvoljena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednica

mr. Arijana Regoda - Dražić